

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 26 » Հոկտեմբեր 2020թ.

N 447/37

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը:

Երևան քաղաքի Քանաքեռ Ձեյթուն վարչական շրջանի ղեկավարի աշխատակազմի աշխատակից Ա. Շահբազյանի կողմից 04.09.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանի կողմից Երևան քաղաքի Դավիթ Անհաղթ փողոցի հ. 4/8 հասցում ինքնակամ իրականացվել է գոյություն ունեցող շինության դիմային մասից մետաղական կոնստրուկցիայով և սենդվիչներով /ֆիզիկական չափերի փոփոխությամբ/ և մետաղական թիթեղներով տանիքի կառուցման շինարարական աշխատանքներ, որի վերաբերյալ 04.09.2020 թվականին կազմվել է վարչական իրավախախտման վերաբերյալ թիվ 035286 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն նամակները հետ են վերադարձվել կամ մինչ օրս չեն վերադարձվել, իսկ «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանը չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանին պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 04.09.2020 թվականին կազմված հ. 035286 արձանագրության հիման վրա հարուցված վարչական վարույթը 22.10.2020 թվականին հ. Վ-42/90 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Եվրոլայն» ՍՊԸ-ի տնօրեն Միքայել Համլետի Բաբախանյանին Երևանի քաղաքապետարանում 26.11.2020 թվականին կայանալիք գործի քննությանը ծանուցելու համար:

Փոստային ծառայության հանձման-ստացման հետադարձ թիվ AG027437815AM ծանուցագրի համաձայն՝ գործի քննության անցկացման վերաբերյալ ծանուցումը հանձնվել է հասցեատիրոջը:

«Եվրոլայն» ՍՊԸ-ի տնօրեն Միքայել Համլետի Բաբախանյանը ծանուցված լինելով 26.11.2020 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, անշարժ գույքի նկատմամբ իրավունքի պետական գրանցման վկայականի պատճենը, ընկերության պետական գրանցման վերաբերյալ քաղվածքը, Երևանի քաղաքապետարանի աշխատակազմի քաղաքաշինության և հողի վերահսկողության վարչության 11.09.2020 թվականի հ.19/92575, Երևան քաղաքի Քանաքեռ-Ձեյթուն վարչական շրջանի ղեկավարի 30.10.2020 թվականի հ. 31/02-1/920 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանի կողմից սեփականության իրավունքով ընկերությանը պատկանող Երևան քաղաքի Դավիթ Անհաղթ փողոցի հ. 4/4 հասցում ինքնակամ իրականացվել է գոյություն ունեցող շինության դիմային մասում մետաղական կոնստրուկցիայով, սենդվիչ պանելներով և մետաղական թիթեղներով տանիքի կառուցման շինարարական աշխատանքներ ֆիզիկական չափերի փոփոխությամբ: Երականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չափանշող աշխատանքներում:

«Եվրոլայն» ՄՊԸ-ի տնօրեն Միքայել Համլետի Բաբախանյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1.«Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանի նկատմամբ 22.10.2020 թվականի հ. Վ-42/90 որոշմամբ կասեցված վարչական վարույթը վերսկսել:

2.«Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

3.Նախագծուցանել «Եվրոլայն» սահմանափակ պատասխանատվությամբ ընկերության տնօրեն Միքայել Համլետի Բաբախանյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035500082 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՐԱՄ ԱԲՈՎՅԱՆ